


A Monthly Christian Magazine

AN ORGAN OF THE ZOU PRESBYTERIAN CHURCH SYNOD

Khristian Tangkou

Vol. 54 || No. 07

July, 2018



Editor: Rev. Stephen Chinzathang

Synod Kumpuon: **“Pasian thuguh kem”** (I Korin 4:1)

Khristian Tangkou

Vol. No. 54 || Issue No. 06 || June, 2018

Editorial Board

Editor : Rev. Stephen Chinzathang - 9863042789
ct_stephen@yahoo.com

Joint Editor : Rev. Khamchinkhai - 8730933744

Cir. Manager : Upa Jamsianmung - 9862086615
sianmung@rediffmail.com

Bus. Manager : Upa Kamgenpau - 8974612937
Shie T. Ginzahau - 8974438842

Cont. Editors : Upa Khupsuankham - 9856406454
Rev. Awnkhankhup - 9862828921
Rev. Dr. Hangpi Maunlun - 9862910875
Rev. Kaimuanlal - 9862923960

ZOU SYNOD ULIENTE

• Moderator:

Rev. Awnkhankhup

• Moderator Elect:

Rev. Dr. Hangpi Manlun

• Secretary (Sr):

Upa Er. Thangchinmang

• Secretary (Jr):

Upa Liensuonkap

• Treasurer:

Upa Chinsuanthang

• Statistician:

Upa Khaihenthang

• Executive Secretaries:

Rev. Stephen Chinzathang

Rev. Khamchinkhai

A sung thu

- Editorial..... 01
- Report 04
- Thu tuomtuom & Thumpi ding 06
- Vangam a Sil lamdang 08
- Hing suhal kialou ding namah? 10
- TMEF Ziisahna 12
- Local apat Sum sungte..... 21
- ZPWF Cumlumn 22

Copies - 1100

AMAN

Kumkhat ah	- ₹	100.00
Post ah	- ₹	200.00
Copy khat ah	- ₹	10.00
Life Member Fee	- ₹	1,000.00
Patron Member Fee	- ₹	2,000.00
Memorial gift	- ₹	2,000.00

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.



Editorial

Pasian in miñing a moh in panpi pai lou ahi (Dan. 10:1-21) Chang chabi 11-13

Khristian Tangkou simtu zousie Mangpa Jesu min in chibai hoitah ka hing buh hi.

Mangpa Pasian hepina toh kumkimte tungtou in Pasian misiengthou te leh Hattuom in agam nasepna tuomtuom leh mailam nawt in a ki kalsuon zel hi. Tamna Daniel Laisiengthou Bung 10 na Changkhat apat a tawptan chang 21 tan enlei Pasian in eite a maw a, hing panpi pai lou ahi chi theithe i in aum ahi.

Danial Dinmun:10:2 - Tami hun lai in Danial pen kingaituona leh dana in adim laitah ahi. Danial in kalthum vingveng a kingaisie in Pasian lunghawl in panpina ngah in aum hi. Danial pen panpina Pasian in a pepai sih a zong a thumna a dawng sih ahi.

- 1) Eiten Pasian ah kisiena zong neilou in panpina i ngen uh a, ang pieh pai na ding a zieh aum sih.
- 2) Daniel kalthum/hapta thum vingveng kisia in kapin, mau in lungkineusah in a um hi. Eite pen ihi uleh dana leh kisiemtanlouna lungtang zong nei mawng lou in Pasian in i thumnate uh hing lawching sahpai ding bang in Pasian thu i pieh thaw uh abang hi.

- 3) Ngahzawna leh ki nuoi khietna lungtang toh i um chieng un Pasian a thol nawn tasih a zong eite i kipilsah, i kibawltheisah, i kisiemsah, i kithuneisah, i kigentheisah, i kipilsah uh leh tuateng hing pepa Pa Pasian a ding in ama a hing panna ding, ama ahing lutna ding ilungtangte uh i mizie te, eima mama in i kiletsahnate a let tah zieh in Pasian a hing pang thei non ta sih hi.

Laisiengthou Daniel Bung 10:1-21 simvai:

Mangmuna hun

Persia Leengpa Sairas vaihawm kum thumna ah amin Belteshazzar kichi Danial kungah kilahna khat pieh in a um hi. Tua kilahna thupuoh a dih a, hinanleh ahun kiguot a sau a, tualeh a man tua thupuoh khu a theisiem a, tualeh mangmuna theisiemna anei hi. Tua nite sungin, Kei Danial in hapta thum sung pumpi ka suun hi. Ann tuitah ka ne sih a, zu leh sa mawngmawng ka kam sungah a lut sih a, ahisihleh hapta thum a chin masangsie in sathau zong ka kinu vawtsih hi. Tuin aha khatna ni sawmnilehni niin, Tigris luipi lien gei a ka din laiin.

Mangmuna a vanlam thuphapuo mun a

Ka dahtou a ka et leh, Ngaivawi, puonmalngat sil mi koi ahiei khat, a kawng Uphaz sana chiimtah a kigah ka mu hi. A tahsa pumpi beril suong mantam a bang a, a maitang kilatdan tunphe a banga, amittegel meisel kuong bang ahi a, abante leh a kengte sum-eng nawtval bang leh a aw suoh ging khu mitampi aw ging bang ahi. Tua mangmuna mu Kei Daniel maimai in ka mu ahi a, ka kunga um miten amu sih uhi; hinanleh zauna chizathuoi atung uah atunga, tuachi'n ataizah ua, a kibu uhi. Tuaziehin tami mangmuna ka mu laiin keimatang a nuasie in ka um a, tualeh tha-le-zung mawngmawng ka neita sih hi; tualeh ka mel lah mishi mel bangin amuol a, thahatna mawngmawng ka nei nawnta sih hi. Hinanleh a thugen ging ka za a, tualeh a thugen ging ka zahlai in, ka mai leilam a kunsuh in ka bohkhupa, ka mai tuolsu in nuomtah in ka na imu hit hietta hi.

Vanlam thuphapuo in a khoina

Tuachi'n thakhat in khut khat in a hing khoi a, tuami'n ka khutphang leh ka khupte a kingam in chitun kawmkawm in a hing phongtou hi. Aman ka kungah "Aw Daniel nasatah a itpa na kunga ka thugente theisiem inlen ding tangin, aziehpén na kunga kei hing kisawl ahi" achi hi. Tam thu ka kunga agen laiin, chitun kawm in ka dingta hi. Tuachi'n a man ka kungah, "Zausin Daniel, theisiemna deina zieh leh na Pasian mai a kingai ngiem dinga, na lungsim na pieh ni masa pen apat, na thugente zah ahita a, tualeh na thute zieh a kei hing pei ka hi. Hinanleh Persia gam uhipan ni sawmnilehkhat sung a hing doudal a, hinanleh en vawi Mikael houtute lah a lienpen khat kei hing panpi dingin ahing pei a, khunah keima tangin Persia Leengte toh nuasie in ka umta hi. Tuachi'n ni nukhia lam chienga, na mite tunga bang ahiei hing tung ding chi, hing theisiem sah ding a hing pei ka hi, mangmuna lah ni tampi nua chienga ding ahibou hi, achi hi. Tam thute ka kunga agen sungin, ka maituolsu in ka kunsuh a, ham theilou in ka umta hi. Tualeh thakhat in, mihing tapate mel bang puo mi khat in ka nehphute a hing khoipieh a, tuachi'n ka kam ka kaah a, tualeh thu ka genta a, ka mai a dingpa kungah, "Aw ka Mangpa, mangmuna ziehin lungkhamna leh patauna in ka dim a, tha leh zung mawngmawng ka neita sih hi, kachi hi. Tam ka Mangpa suohpa'n bangchin ka Mangpa a houpi thei diei? Ken lah tha-le-zung mawngmawng ka nei nawnta sih a, ka nah hu na ngawn a umzou nawn sih hi". Tuachi'n tua mihing mel bang popa'n a hing khoikia a, a hing suhatta hi. Tualeh a man "Nahpitah a itpa aw, zausin, na kung ah hamuonna um heh, hattah in um inlen, ahi hat in" a hing chi hi, tuabanga a hing houpi lai in, "Kei khu hatsahin ka umta hi. Ka Mangpa aw, Nangman na hing suhattah ziehin, ka Mangpa'n thugen heh", kachita hi. Tuachi'n a man: "Na kunga bang zieh a hing haw ka hiei chi na thei ei? Tualeh tuin Persia Leengpa dou dingin ka kilekia pai dinga, ka peidoh zou chiengin Greek Leengpa a hing kuon ding hi. Hinanleh Laisiengthou sunga kigiel Thutah nang kang hilding, na Mangpa Mikael chi loungal a hing doupi thei ding koima a um sih hi, achi hi.

Chang chabi: Aman ka kungah “Aw Daniel nasatah a itpa na kunga ka thugente theisiem inlen ding tangin, aziehpén na kunga kei hing kisawl ahi” achi hi. Tam thu ka kunga agen laiin, chitun kawm in ka dingta hi. Tuachi’n a man ka kungah, “Zausin Daniel, theisiemna deina zieh leh na Pasian mai a kingai ngiem dinga, na lungsim na pieh ni masa pen apat, na thugente zah ahita a, tualeh na thute zieh a kei hing pei ka hi. Hinanleh Persia gam uhpipan ni sawmniehkhat sung a hing doudal a, hinanleh en vawi Mikael hoututelah a lienpen khat kei hing panpi dingin ahing pei a, khunah keima tangin Persia Leengte toh nuasie in ka umta hi.

Khristian tamtah ten i tung ua Pasian nasep ngahzou lou in eima deidan tamtah ipeipi leng uhi. Tambang a Pasian deidan ngah zoulou a ing um chieng un leh eima ah ginna leh Pasian muonngamna leh Pasian silbawlttheina pen ang dau/niem suh hi. Tambang a siltungte pen iki theimaw bawl sawt chieng in Pasian in eite thumna leh Pasian i muongna pen a vaigei isa zel uhi.

Theiding a poimaw ahileh Pasian avaigei sih a zong Pasian in koima a lungsietlou a um sih hi. Tuaziehin tam sapsiet khawvel ah bang dang muong lou in Mangpa Pasian ma muong va ui.

Mangpa’n simtu zousie hing guolzawlta hen.

.....

REPORTS

Apeisa May 24-27, 2018 hun sung teng in Presbyterian Church, Tuining ah Tuiningkual District te saina in Crusade Cum Revival Programme lawchingtah in akizang zouta hi. Programme kiman sung in Pasian Hagau pawlna thupitah in akitang hi. Piengtha nailou mi phabep in Jesu Khrist a Mang leh a hundampa ding un akisan ua, Piengthasa mi phabeppi zong Pasian masang a akilan tha uhi.

Pasian Hagau pawlna vang in kikhop chin in Pasian phatna lasah leh thugente zong a nuom thei mama, akikhawm District sung mite ban a pawl tuomtuom apat hing kikhawm khuo kim khuo ziet a te akilim thei mama hi. Tami Crusade leh Revival hun sung in Rev. Dr. Khaizakham in Speaker hina toh thugenpi in panga, Pu Daiminthang leh Tv. Goukhankhual ten Devotion teng a lah banua, Counsellor in pang uhi. Tv. Joseph Doulunlal leh Nh. Esther Sangaikot ten kikhop chin in Pasian phatna laa ahingsah pieh zel uhi. Mangpa'n thupina tangta hen.

*** Tami Crusade leh Revival zah ahina dinga hing pangte:**

- 1) Zou Synod Mission & Evangelism Committee apatin Rs. 3000/- sang thum
- 2) District sung a Upa leh member kiphalt te'n a tuohkhawm uh Rs. 15000/- sang sawm leh sang nga.
- 3) Upa Ginsuankhai, Tuining Hausapu in Speaker te neh leh dawn a tuoh ban a, Speakerte leh lasate puonzal khat chiet a pieh ban a Speaker pa Ahtal khat zong a pie hi.
- 4) Pu Daiminthang in Anntang bag 1
- 5) Evan. Goukhogin in Bu pot 2
- 6) Local Hattuum te'n Rs. 25000/- vel bei in Common mess mipi te vah uhi.

Pasian gam a ding a mi kiphalte zieh in vaiguon lawching ahiman in Pasian in aleh tampi in guolzawl chiet ta uhen.

Report petu:

- Upa Khupchinlam
Secretary (Sr)

.....

Thu tuomtuom leh Thumpi dingte



1. Pasion hoina leh mapuina tang touzel in i kinep phahlou kumkim tan meel hing musahtu Mangpa min phatkawm in Ama THUPINA ipe masa uhi.
2. Sawm-a-khat leh silpieh dangdangte i Hattuum kitoudelna leh Manggam nna i sepa ahi chi thei tinten a it neilou a pe tintente adin thumsah vaui.
3. Inehsuina chi tuomtuom kumpi nasemte, loubawlte, dawrkaite, contract nnasemte, Bazar kaite, Private a semte leh Company a kilaw tamte Pasion khut hat ah kepbit a um a chidamna, lamzannate ngetpieh vaui.
4. Hattuum chin a sum kem leh enkawltute a din gin umna, dihtatna leh Pasion zauna anei chiet na dingin ngetpieh vaui.
5. Lungdampinan: Mangpa'n Ami siengthoute THUMNA hing dawngin tukum Manipur Board leh Central Board a i khangalite Class-X leh XII exam pete lawchinna hing pie hi. Amaute ziehin THUPINA zousie Mangpa ipie uhi. Tualeh a lawsamte adin puohsiemna leh panlahthanate nget pieh va ui.
6. Synod Pastors Camp kizang zouta: Pasion in i thumnate hing dawng in apeisa June 05-07, 2018 sung in Zou Synod Committee Room ah "Pastor Camp" loh tah leh lawching tahin kizang zouta. Camper Pastor 16 pang thei uhi. Speaker: Rev. K. Kamchinkhup D.S Imphal EBCC, Resource Person: Rev. Laldawngliana, Kawnpui Bieltu te ahi uhi. Thupi: "Pasion Thuguh kem" (I Korinth 4:1).

7. Haitha lopna: I Synod Year Planner a umsa bangin Hattuum chin in i louma gasuote Pasian kung a latna leh kipathu genna a nuomthei pen a zang chiet dingin ikingen uhi.
8. Tukum 2018 sung a Manipur Eastern Presbytery (MEP) sunga Upa telchingte
 - i) Pa Pausienlien - P. Salem s/o (L) Upa Khamkhanpau
 - ii) Pa Kaplienlal - T. Munnuam s/o (L) Ginzalam
 - iii) PaSienpiehthang - Sugnu s/o Nengzagin, Hattuum chin in inichin thumna uah bawzui chiet vaui.
9. Solfa Camp PYF Central District(MGP): Presbyterian Youth Fellowship (PYF) Central District te saina in apeisa June 11-16, 2018 sung Pastor Quarter ah Solfa zilna nei in ki Camp uhi. Camper 13 bang pang thei uhi. Instructor: Pa Samuel Khamsuankhai, Tv. Manglunthang, Tv. Liansianlal, maban bawzuina toh ang gasuo theina ding un i thumna toh bawzui chiet vaui.
10. Presbyterian Church of India (PCI) nuoia Synod tuomtuomte member umdan dinmun - 2018

<i>Synod Min</i>	<i>Dan zoukim</i>	<i>Hattuum member zat</i>
1) Mizo Synod	4,20,043	6,11,241
2) CHT Synod	21,689	34,153
3) Manipur Synod	10,082	15,571
4) Bieteram Synod	8,476	14,543
5) Ribhoi Synod	38,108	70,013
6) KJP Synod Sepngi	1,75,898	3,70,764
7) KJP Synod Mihngi	1,33,798	2,81,252
8) Zou Synod	9,523	11,768
9) Karbi Anglong Synod	13,761	22,952
10) Meitei Singlup Synod	<i>Tahlang lou</i>	8,515
11) Tripura (Provisional Synod	15,055	22,277

11. Lungdampina: I khanglaipi uh, Dr. Khaimang s/o Thongchinthang of Awnchinkap Hattuum a um in Delhi University apat in Doctor of Philosophy (Ph.D) degree mutha hi. I pawlpi in i lungdampi mama uhi. Tualeh ama'n Dated June 19, 2018 niin Awnchinkap khuo Presbyterian Church ah Hattuum dansiengthou in Nh. Thangngaihniang toh Rev. Lamsuanthang (Biel Pastor) khut ah kitenna nei uhi.

NB: PCI huop a Numei pumpi -----7,54,509
PCI huop a Pasal pumpi -----7,13,020
PCI huop a Hattuum mi pumpi ---- 14,67,259

.....

VANGAM A SILLAMDANG THUM UMDINGTE

- *Upa Khupsuankham*

Thumapui: Sadhu Sandar Singh in Vangam i tun chieng ua sillamdang thum umdingte agen bang in Bible sung thu enkawm in tomnou houlim ulei ut huoi kasa hi.

Hattuum sung a mite theiphahlou leh khosahdan a zong miphalou - nam ngiem a khawsa sawm-a-khat leh silpieh dangdang a zong tam pezoulou hinanleh **“Pienthana”** nei a um hi.

Mi khenkhat piengtha hingal a, hinanleh asepn Office a aseppite ziehin “Pienthana” midang in a muthei ding a kilang khezoulou pawl khenkhat um hi. Mi khenkhat in lah piengtha a anute-apate leh a innkuonpите pienthalou zieh a ahina dihtah kilang khezoulou in innsung a support tu ding umlou a nuatol chibang a umthei hi. Mi khenkhat piengtha nan uleh a “guuh a” khelna khat a kisupua kha asuoh a kisuonlana leh mani kimawsahna toh dim a hinkhuo

a piengtha ahina mu ding umlou chibang a um thei zel hi. Tuachibang mi pen koima in Vangam kaiding a agintatlou uh pawl khat Vangam a kimu ding chi'n, Sunder Singh in gen hi. Khuma bang in Mangpa Jesun zong gen hi “Kizuate leh angkawmte'n Vangnam ang lutsan ding uh” chi hi. (Mt. 21:31).

Hattuum sung a tallang mama leh pulam mite tanphah in zong ana theiphah uh ban ah mipite'n zong hamuon a amuon uh a umthei hi. Thugen asiem ban uah thumna a phuiteng sam bang uh Pasian in zadieh leh kilawm a thumsiem mi zong a um hi. Mi khenkhatte siemna lam ah Officer lientah bang khenkhatte Bible Degree sangpi pi nei bang silpieh lam a koima phah guollou bang khenkhat zingkal kilatna Biehin kai taimat zieh Hattuum nna septam zieh a Vangam kai ding a kinem bang, Hattuum sungah a umthei taseng hi. Tuabang mite koiman Vangam kailou din gingta sih nanleh zong Vangam i tun chieng ua Vangam ah kimu lou ding tuahun chiengin “kilamdang na

e”? chijathuoi na e”? chichi a um mai ding chin Sunder Singh in gen a i Mangpa Jesun zong ana gensa dimdiem ahi (Mat. 7:21-23). Mangpa Jesun a genna ah Ama min a sil kidang nempipi zong bawl a amin a dawite nasan delkhie amin a pulpit tung a thugen gen na pi Vangam lutlou ding uh ahidan uh Jesun amaute thu ngailou tuapen Khrist toh hinna kizop lou ahidan uh gen hi. Dinmun sangpipi luo a, Hattuum lamkai puitu khat a pang hina jen pen Vangam a kimulou pawlkhat um ding a, sil kidang/chizathuoi pi a gen sil hing umding hi.

Hundamtate Vangam itun chiengun i khut i keng i tahsa pumpi leh i melte nisa bang in Pasian thupina toh suhlamdang a um ding hihai a, lamdang i kisa ding uhi. Tualeh vangam i tun chieng ua alamdang mama ding khu “thumna” ahi ding chi'n Sunder Singh in gen hi (Mat. 17:2). Eiten i Mangpa Jesu Khrist mel thupi leh kidang tah bangbang vangam ah i nei chiet ding uh pen kidang taseng hi.

Thuzawna: Tam atunga bangin Vangam ah “sil kidang” pipi ing

umding chi'n Sunder Singh in agen mabang in i Mangpa Jesu Khrist in zong ana genkhietsa ahi. Vangam khellou ah zong mihingte i lungsim, i lunglutna mite tung a i silbawldan, mi ichidan i kampau leh igenkhieh dan akipat in hagau mi dihtah te'n piengtha leh piengtha lou hidan a theithehi uhi (I Kor. 2:15). Pasian thugente a thugen uh ahing leh ashi a um a, tuami toh kitawn in zong thugente dinmun a ki theithehi hi, tuajiehin kingaisut chiet vai, i telkhah leh silkhawh mama hi ding hi.

Eite'n I Mangpa Jesu thei kisa nan ulei zong aman eite ang theisih leh buoi huoi ding hi. Churachandpur D.C Shym lal punia I.A.S. ameng a lien in ithei ua, hinanleh aman nang leh kei ang theilou maithei bangin, Jesu nathei ahi mathei hi (Mat. 7:21-23). Dawi ten zong Jesu Khrist a thei ua zau leh ling kawm in a um lieng uh hilou i? Hepina hun tom nou sunga i umpet in kingaisut chiet vai.

Mangpa'n simtute zousie guolzawlta hen.

.....

HING SUHAL KIA LOU DING NA MAH?

“Nangma a na mite a kipahthei na ding un hing suhal kia lou ding na mah? (Sam No. 85:6). Pasian kunga thumna tung kia dinga dawnna zong ahi. Israel tate pen Mangpa lam a ngat lou chieng ua, a ki heimang san chieng un zong Mangpan zong amauh aki heimang san zel hi. Mangpa lam nga Ama a hatkia ua a gitlouna uh ngaidam anget chieng zong Mangpa'n atung ding kia zel hi (Sam 137:1-4) ah khun zong Babulon sal a atan lai uh ahi. Saltang pum in la Zion laa kasah thei ding uh achi uhi. Tunin eite zong bang sal ah i tang uoi? I saltanna ua pat in Mangpa lam nga'n Mangpa hantha in hing suhal kia lou ding maw Mangpa chitha vaui. I halkia theina ding un (Nasepte 2:1). Lungsim kipumkhat a um angai hi. Lungsim kipumkhat a aum zieh un halthana hagau siengthou hing tung ahi.

Eima a halthana atun theina ding a khun gitlou topsan a kisia a ngai hi. Gitlou kisia lou, topsan louten Hagau siengthou silbawltheina neitheilou ahi. Tami ma in zong mi sangthum in Mangpa Jesu gingta in, Baptisma zong atang ngal uhi. Tuachi'n gingthate khu anuazuite utoh kipawlkhawm in ann nekhawm, thumkhawm, thugin ah khun dettah in aum zing uhi. Niteng in Temple ah peikhawm in lungsim munkhat puo in aum ua, lungsim thuo himhim neilou in kipahtah in a thalop khawm uhi Pasian aphant zing ua, tuaziehin niteng in gingtha/hundam a hingbelap pieh zel hi. Halthana tunna ding ah lungsim kihenna Mangpa lam a kilekiana hagau siengthou han a THUMNA a poimaw hi. Hagau siengthou vethana halthana i tan nah leh Mangpa'n gingu hing belapsah zel ding ahi. Tami ahi HALTHANA ichi pen halthana itan theilou zel bang zieh ahi adiei? (Mathew 21:2). Ang kantu um zel ahi. Jerusalem khopi sunga Jesu loupitah a pahtawi a aum na ding a apaw luttu ding SABILTUNG ahia, hinanleh tam pen aneitu um ahiban ah akihen ahi. Tam Sabiltung pen akikhi sung sia Jerusalem khopi sunga Jesu pawlut dingin kizang theilou hi. Zah ahitheina dingin a neituten a ha khiet ua, aki khina a phel uh angai hi. Eite zong i hinkhuo ah Jesu phat ding leh tawisangtu ding ihi. I innsung ah, i khotaang ah, i umna phot ah Mang Jesu tawisang ding ihi. Tuaziehin a hing neitu, ahing kantu nanei zieh in Jesu na tawisang ding bang in tawisang theilou, pahtawi theilou ihi. Ei a HALTHANA tung theilou ahi. Nang leh kei hing neitu, hing kantu bang ahi ei...? Ki-enchien tha kia vaui. Mi tuomtuom aneitu leh akantu kibangkim sieng sih ding a, Tembaw hileh akitawl lou kal chieng a kikhizel ahi. Kikhina phellou in hajap in kijap leh zong phatuom lou ding hi. Atai theina dingin akikhina phel angai hi. Piengtha ta ngal a hat theilou, hal zou lou ihi leh bangin ei-kan ei chi ki-enchien in. Ang kantu phel vaui.

Muanna Ahsi April 2018
Issue apat lahsawn.

.....

TMEF ZILSAHNA A BIT EI?

C. Lalnuntlinga

Compiled by:- Upa Dr. PC Biaksiana

- + *Hun nukhia ahita a, kizilsahna lamdang, pom nuom leh zangkhaithah ahing pawt zel ding hi. Tua hun chieng in Pasion Thutah, Bible toh akituoh ei? chi ngaituo zel a poimaw ding hi. Bangchi bang a gen siem leh Hagau mi hinanlezong 'Bible dan ahiei?' chi i ngaituo masah zel a poimaw ding hi.*

The Truth Mission Evangelical Fellowship (TMEF) zilsahna tungtang in hun sawttah apat Mizoram leh puo a Hattuum sungah kinielna nasahtah atungsahtha hi. TMEF zilsahna ziehin Hattuum mi-le-sa tamtah ابووتا hi. Mizoram leh ei Zou lah ah tam TMEF kizilsahna ziehin Hattuum khenkhat ابووي ua, Mizoram sung leh puo a unaute lah ah tam kizilsahna ziehin kikhenna nasatah ana tungta hi. Bangchibang a tam kizilsahna zieha Hattuumte ابووي zel ding i hi uoi chi ngaituo tham a ching mama hi.

Mizote khu Pasion thu tah i hi ua, hagaumipen hi sawm, hagau tang sang leh Pasion pawlna tang tuom deu hi sawmna ziehin 'Hagau mi' kichi mi tamtahten ana chiem khielta uhi. Pasion phukhiet Hattuumte dou leh amau dei dan a Pasion thu hei lamdang sawmte ziehin Zogam ah kizilsahna dihluu tamtah ana piengta a, mi tamtahten tangtawn a manthaina lampi ana zui khata uhi.

I Lai Siengthou zong hoitah a i simleh Kizilsahna dihluu (false teaching) zieh a buoina leh khumte lah apat kiven ding dan mun tamtah ah i mu uhi. Akibang a gamta zel, Eden huon apat tuni tan chieng mihingte sol ding mawngmawng a vah melmapa Setan in Tactic (bawl dan) ahau mama a, ei gingtuten zong Pasion Hagau panpina tellou in tal kizilsahna dihluu lah apat i kiveng theisih ding uhi.

Pasion Hagau a zelenna mun ah khun Hattuumte i kipumkhat ua, i kituoh zel uhi. Hilnanleh, kum sawt nailou a pat kizilsahna lamdangtah leh pom nuomtah hing piengkhe TMEF kizilsahna in vang ahileh kilemna sangin kilemlouna atungsah a, Hattuum tamtah keh in, Hattuum member tamtah in Hattuum apawtsan ua, khum zieha Hattuum ابووي mama Aizawl lah ah zong gen ding a um hi. Tam kizilsahna khu gingtu dettahte a dingin zauhuoilou ahi lai in ginna lam a naupang leh Lai Siengthou sim tamloute a dingin vang azauhuoi mama a, mi tamtahten ابووي mama uhi.

Tam kizilsahna hoitah a mankhate khu, 'Vah' akisa mama ua, a mankhaloute vang "na vah sih hi' achi mai uhi. Tambang lienga 'vah' a kikoite kizilsahna leh a thu peipi dan uh, hoi leh pom nuom mama, mi tamtah leh Hattuum buoina tuntun khu bangtoh bang mawng

ahiei chi theichien a poimaw mama hi,. I tangtawn hinna tan buoi thei ahina ah mimal ngaidan hilou in Lai Siengthou gen dan toh akikal ei? A sap ham in ‘Biblical’ ahiei? chi thei dandan in sut va ui. Greek leh Hebrai ham a agen dante toh suichien hileh a ut huoi dieh in kichien sem ding ahia, hinanleh article khat sausah seng zong a lemtanlou ziehin atangpi in i tahlang ding uhi.

TMEF ziehin kum 2000 lah vel in Burma gam Hattuum bangzat ahiei khat asusie a, Mizoram ah tam kizilsahna khu Evan.Rohmingliana apat hing kitheikhie ahi. Myanmar (Burma) lam a TMEF kizilsahna pokhetu Evan. Mang Hi-a khu a thugen siem ziehin mite pahtat alaw a, a thugen azah chiengun ‘Vah’ akisa mama zel uhi. Khopi leh Singtang mun tamtah ah tam kizilsahna zieh in buoina apieng a, khopi sung ah tam kizilsahna zieha Hattuum pawtsan, aguh a Hattuum buoi mama, Hattuum lah pawtsan ngam samlou, Hattuum a lah tui zou nawn talou tamtah a um uhi.

A ZILSAHNA UH TANGPI

TMEF khun Hattuum banga ding leh thugin tuom nei bang in akigensih ua, tua kawmkal ah Lai Siengthou pulam, Pasian thu lah dan damhuoilou tahte a um abang hi. A thugen tamtahte uh khu Pasian thu hoi tahtah ahi guol in Lei Siengthou toh kikal leh kizilsahna dihluo tamtah a um ziehin akizilsahna ua dam huoilou, poimaw deute suichien deu va ui.

A. TAWNKHELNA AH:

i) A sie-le-pha theina khu Setan a ahi: TMEF-te khun, “A sie-le-pha theina (Knowledge of good and evil) sing khu leinuoi a zung ha sing ngaina (A dangte toh kibang) ahisih hi. Tualeh khum sing khu Setan a ahi. Aneitupa, Setan thu lou in mihing deitelna a neh chi zong ahisih” a chi uhi.

Tam thu khu Lai Siengthou kizilsahna toh kikal ahi. Genesis 2:9 ah khun tambang in akigiel hi, “*Tualeh leitung apat in Mangpa Pasian in singkung etla huoitah leh nehthei chinteng a pousah a; hinna sing leh sie leh pha theina sing zong huon laikimtah ah a pousah hi*” chi i mu uhi. Tuaziehin, Huon (Eden) a Hinna singte, asie-le-pha theina khu Setan a hilou in Pasian siem ahi chi thei thei ahi.

Ahileh, “A neitupa, Setan thu lou in mihing deitelna a neh chi ahisih” chi khu adih ei? Genesis 2:16-17 ah, “Tualeh Mangpa Pasian in mihing kungah “Huon a sing chinteng ga zousie na ut ut in na ne thei ding hi. Hinanleh sie leh pha theina singga khu na neh ding ahi vawtsih hi, na neh leh na neh ni mama in na shi ngeingei ding hi”, chi’n thu apie hi chi i mu uhi. Tuaziehin, Pasian in huon a singga zousie neh ding apha thu i mu ua, phallou khat a nei khu ahileh, “A sie-le-pha theina singga” ahi hi. Tua singga khu a neh uleh a tung ua gawtna tung pai ding ahi thu zong i mu uhi (Gen. 2:17). Pasian in “Na

neh a ahileh na neh ni mama in na shi ding hi” chiin thu a pie a, Mihing masa Evi leh Adam-te khun Siemtu Pasian thupieh zop in a ut uleh a nehluu thei uh ahia, Pasian thu azop utlou uleh a ne thei uhi.

Pasian in zalenna a pie a, adeitelna uh zang in thei in a siem a, adeitelna ua, sil hoilou bawl thei leh adeitalna ma ua Pasian thu zom thei in mihing ana siem hi. Deitelna zang theilou a, khi leh totden hitaleh Pasian in ‘Na nehleh’ chi thupieh leh hamkam a zah apoimaw sih ding hi.

Tuaziehin Pasian in Eden a huon a siem ah khun sie-le-pha theina sing a siem ngei a, Setan a hilou in Pasian a, lei apat a poukhie ahi. Amau deitelna ngei zang thei dingin nelou dingin a gen a, hinanleh, amau deitelna ngei a a neh uh; Setan sol in um nan uleh amau deitelna ngei a a neh uh ahi. Setan in ne ding in a ubawl theisih a, Pasian in zong nelou ding in a paubawl thei tuomsih hi. Amau deitelna mama a Pasian thupieh botsie ahi uh chi khu Lai Siengthou kizilsahna dihtah ahi.

- ii) **A sie-le-pha theina i nei uh khu Setan apat i gouluo uh ahi:** TMEF kizilsahnate lah a poimaw mama khat khu, ‘Mihing sie-le-pha theina (Knowledge of Good and Evil) i nei uh khu Setan toh i kibahna uh bukim’ bang a a ngaituo uh khu ahi.

Ganhingte leh silsiem dangte sang a i tungnunna, ‘A sie-le-pha’ i theina khu Setan apat i gouluo uh hi bang in akizilsah uhi.

TMEF-te khun Gen 3:22 thu, *“Tualeh Mangpa Pasian in, “Ngai un, mihing khu eima bang a sie leh pha thei ahing hita a. Tuin hinna singkung akhut a louin ne va un, tangtawn in hing kha va uh”* achi ah khun English Bible khenkhat a kigielte zang in eimate lah a khat (Setan) bang ahing hita a, chi dan in a hilchien uhi (the man is become as one of us).

English (Sap ham) a kigel dan in, ‘eimate lah a khat bang’ china ahia, tua khu ‘Setan’ ahi a chi uhi. *“Ngai un, mihing khu sie leh pha thei in Setan bang ahita”* chi in a ngaituo uhi. I gen tah bangun a shie-le-pha theina khu Setan a bang a a ngaituo zieh uleh Setan thu nuoi a um bang a a ngaituo ziehun a sie-le-pha theina singga a neh ziehun Setan apat i gouluo ahi chiin a ngaituo mai uhi.

Hinanleh, Gen. 3:22 thu khu akibahpi, 1:26, 11:7-te toh i tekah a i zilleh Setan akawh theilou thu i mu hi. Gen. 1:26 ah khun, *“Tuachi’n Pasian in, “I kibahpi eima meel bangbang in mihing siem vai in”* chia mi khat sang a tamzaw (plural form) a Pasian a hing hamkhietna ah khun Setan a telna akawh thei malmal sih a, Pasian khat a mi thum - Pa Pasian, Tapa Pasian leh Hagau

Siengthou Pasian (Trinity)
agenna ahi zaw hi.

Gen. 11:7 a “Hing pei un, ikuon dinga khat-le-khat ham akitheituo louna dingun aham uh i vasulamdang ding uh” chia Pasian in mi khat sang a tamzxaw hamkam a zah kiana ah zong Setan atel khahna lam akawh mawng sih hi. Pasian khat a mi thumte genna ahi zaw kia hi.

Tualeh, Gen. 3:22 thu a “eima ahiei eimate lah a khat” ahiei chi khu Pasian thu hilchientu tamzaw kituohna khu Gen. 1:26 leh 11:7 toh akibang chet hi. Danglamna neilou, Pasian khat a mi thum; Pa, Tapa leh Hagau Siengthou a genna ahi chi ahi. Dake ah khun, “Tamin atup pen khu Pasian lu ah mi khat sang a tamzaw a um thu a genna (This emphasized the fact that there is more than one person in the God-head) china ahi.

TMEFpuitu khenkhatte gen zel khu, “Sie-le-pha theina theiga a neh masang un Pasian bang ahita ua, a neh zou nua un a bah semna ding uh bang a um nawn kan diei? Mihing khu Pasian bahpi leh kibang a siem ahia, theiga nehlou ding kichi a neh chiengun Pasian bang ahina uh abei a, abahpilou ding uh Setan ahing bangta zaw uhi” chin a gen uhi. Tam thu khu dihna tan chieng um nanleh thutah (truth) achingsih. Nehlou ding theiga a neh chiengun Pasian a bahlouna

uh khenkhat alang ma hi.

Hinanleh, Setan in Evi a solna khu zuou leh thudih kigawmkhawm zang in a sol hi. Gen. 3:4-5 enlei, “Gul in numei kungah khun, ‘Shi laizanglou e, na neh ni ua pat in na mit uh hing vah van in a sie-le-pha thei in Pasian na hing bang ding uh chi Pasian in a thei zieh ahi” achi hi.

Tamna Setan hamkamte khu zuou leh tah kigawm ahi. “Shi laizang lou e” achi khu zuou ahia, Pasian in “Na shi ding uhi...” chia Gen 2:17 a a gen khu thutah ahi. Pasian phallou a neh ziehun Pasiant thupieh bangin Hagau lam ah a shi ngal uhi. Hinanleh, “Na mit uh hing vah van, sie-le-pha hing thei in Pasian na hing bang dinguh chi Pasian in a thei zieh ahi” achi khu thutah ahi. A ne ua, a mit uh hing vah in asie-le-pha thei in Pasian ahing bangta uhi (Gen. 3:7, 3:22).

TMEF-ten, “Sie-le-pha theina theiga neh zieh a zakhata zakhata (100%) Pasian toh kibahna pen bei in zakhata zakhata (100%) Setan hing bang” chi zilsahna khu Pasian thu Lai Siengthou zilsahna thutah ahisih hi. Nehlou ding theiga neh ziehin khelna neilou a kisiem mihing khu mikhiel ahing hita a, sienthouna, felna, lungsietna sunglam hinkhuo (Moral) a Pasian abahna mangsah in um nan uleh Pasian bahna dang a neite uh a unpi in a beisih hi chi

khu Lai Siengthou hing zilsahna dan ahi.

Pasian bahna zakhat a zakhat (100%) bei a, zakhat a zakhat (100%) Setan toh kibang ahileh mihing sisan suo khu Setan isan suo toh akibang china ahi, Pasian in mihingte ahing ngaisah akul sih ding hi. Paul in, “Pasal khu Pasian bahpi leh loupina ahiziehin lukhua khuh a poimaw sih a..., (I Kor. 11:7)” achi khun mihing khu Pasian toh kibang nalai ahi chi akilang hi.

Sie-le-pha theina sing khu Pasian siem ahia, a siem zieh zong sie-le-pha thei theina ding ahi. A netu’n a neh ziehin a siemtu siemsan khu ama ah aumta a, asie-le-pha a theita hi. Pasian in nelou ding a thu a pieh khu atheiga khelna zieh ahiei, ahoilou zieh ahi thu i Lai Siengthou ah i mu sih uhi. Lai Siengthou a i mu khu Pasian in deidan tel theina zalenna (free will) nei a a siem mihing khu thumang ding in a dei a, ne lou dingin thu apie ahizaw hi. Adeidan uh zalenna zang a, thu a manlou uleh Ama toh kikhen ding ahi dan thu uh zong a puong pai hi.

Tam thupiehin atop khu theiga hilou in, thupieh man leh bawsiet khu ahi. Tuaziehin, Adam in khiel a a puana khu bawsietna khelna ahi. Atheiga neh khu khelna himai lou in, “Ne sin” chi thupieh bawsietna khu ahi. Khelna khu dan bawsietna ahi ngal a (I John. 3:4). Atheiga

neh khun a netu kung ah Pasian toh kibahna chi khat a pe zaw ahi. Tuaziehin, Adam “mikhiel” ahing hina zieh khu theiga leh ama kikal a “ne sin” chi thupieh dan abawsietna khu ahi zaw hi.

iii) Adam in ama deitelna in a nesih, solna zieh a a neh ahi:

TMEF-te zilsahna tallang mama khat ahileh thutah a angaituo uh khat, “Adam in ama deitelna toh theiga a neh ahisih a, solna zieha neh ahi” chi ahi hi. Tekahna ding a azah tam mama khat uh khu, “Ui maw in mi a kei toh kibang ahi” Ui maw in mi akei a, agu (poison) in mihing sisan leh thazung azel suoh chiengin amau deitelna leh khotheina a zang theitasih ua, tuabang ma in Setan gu (poison) in Adam azelsuoh chiengin nelou theilou dinmun a a dinsahtah ziehin aneta hi chi thutah in apom uhi. Tambang thu thei chien a pomtute khu ‘thutah vahkkie’ bangin a ngaituo uhi!

Tam thu khu thudih hitaleh Pasian in asoltu (Setan) a gawt ding hi. Hinanleh, Pasianin action a lah in asoltu gul ah a pan a, gul in asol, Evi tung ah tu in tuachiin aji thumang Adam tungah case gightah a posahta ahi (Gen. 3:14-19).

Gen. 3:17 ah khun Pasianin hichin a gen hi, “Tualeh Adam kung ah, “na zi thu nasan a neh louding kachi singga na neh zieh in leitung nang ziehin samsiet ahita, na hinsung gimtah a sem

in aga nane ding hi” chiin. Pasian in sol a na um ziehin a chisih a, ama deitelna ngei a a ji thu aman zieh leh nehloou ding a thupieh palsan a a neh tah ziehin Adam tungah gawtna atungsah zaw hi.

Adam khun Siemtu peisan in a ji Evi solna ziehin bawsietna ah apua a, solna zieh hilou in ama sie-le-pha theina chiim zangin a ji thu mang in khelna ah pumkhat ahing hita uhi. Gen. 2:24 thu khu Paul in Ephesa 5:32 ah, “Tam pen thuguh kiphuol thupitah ahi, hinanleh ken Khrist leh hattuum thu ahi ka gen” a chi hi.

Adam masa zaw khun a ji Evi a it ziehin Pasian thupieh bawtsie a, a shipi bangin Adam nina Khrist in zong a ji khamisa Hattuum khu Van loupina peisanin, sing Kross tung ah a hing shipita hi. Thuhun tha Lai Siengthou ah Adam tegel khun midangte gu a paubawl thu hilou in amau deitelna leh kipiehna pumlum in a jite uh a shipi tuohtuoh uh chi khu i theichien ua, navahna a i nei ngeingei ding uh ahi. Tam khu Pasian thutah danglam ngailou khu ahi.

B. GINNA THU AH:

i) **Mihing in a gingta theisih:** TMEF kizilsahnate lah a bithuouiloupen khat khu, “Mihingin a gingta theisih” chi ahi. Tam khu thutah banga a pom uh ahia, navah sot mailoute khu piengthalou bangin a ngaituo hiel uhi! Hinanleh, tam

thu khu Lai Siengthou kizilsahna kal leh Lai Siengthou kizilsahna apat pielkhie/pei khiei i chite bang ahi uhi.

Azieh khu mikhielte Pasian lungsietna zieha amau kung i tun theina ding ua lampi um sun khu Jesu Khrist gintat ahi (John. 3:16). TMEF-te kizilsahna khu thudih-thutah hihenlen mihingten gingta theisih talei, mikhielte a dinga Pasian in a tapa tungtawn a a nasep in umzie aneisih dinga, athawn himai ding ahi.

Khum mai hilou in, ‘Mihingin a gingta theisih’ chi khu pasian gin-umna leh hatna doudalna leh ngaidauna dihtah ahi. I John. 5:10 ah khun, “*Koipou Pasian Tapa gingtain ama ah theipimi hina a nei hi, koipou Pasian thu gingtalou miin pen. Ama mi zuou ahisah hi; Pasian in a Tapa a hing pieh thu atheisah a gintatlou zieh in*” chi thu i mu uhi.

Gingloumi in Ama (Pasian tapa, i gintat ding Jesu Khrist zang a, ahing siemsah) khu zuouthei in asiem hi. Gingloutu in Pasian zuouthei a asiem dan khu athu zuina ah i mu ua, tua khu ‘Pasian tapa’n khantan atheisah khu a gintatlou zieh ahi” chi ahi.

Gingloutu in Pasian khu zuouthei a siem ahileh, gingta theilou chite khun Pasian zuouthei ahisah uh himailou in, Pasian gin-umna leh thutah (truth) a doudal uh china ahi.

Pasian khu ahing siemtu leh ahing theichientu ahi chi gingta theilou hitalei, ‘Gingta dingin’ ahing hil sih ding hi. Jesun, “Na gingatleh Pasian loupina na mu ding” chia Martha kung a gen in Martha in gingta theilou ahisih chi na kichien a, gingta thei ahi ma bangin gingtalou thei zong ahia, gingta theilou vang ahisih hi.

Thoukia Jesu’n Thomas kungah, “... gingtalou in um sinlen gingta in (John. 20:27)” chia a thupieh khun Thomas khu gingtalou thei ahiziehin Jesu thawkiana a gingta sih a, Gingtalou thei ahi ma bangin gingta thei zong ahi chi Jesun a thei a, gingta ding in thu a pie hi.

Pasian hundamna silthawnpieh, ginna a i nei theina dingun Pasian panpina i poimaw ua, ahing panpi leng ma hi. Gingta dingin Ahing panpi zel a, hinanleh ahing gintatsah hilou in, paubawl thu in zong ahing gintasah sih hi.

Pasian panpina chi tellou a, ‘gingta theilou’ chi khun ‘gingtasah’ china ahi teitei hi. I gingta theisih ua, Pasian in a hing gintatsahleh vangam tungloun ding koima i umsih ding. ‘A gingtate zousiete’ chi leh, ‘na gingatleh’ chi leh ‘gingta in’ chite khu Lai Siengthou ah a um a poimaw sih ding hi. Hinanleh a um mai hilou in, Lai Siengthou thugen poimaw mama ahiziehin ‘gingta theilou’ chi leh ‘Pasian in hing gintasah’ chi khu

Lai Siengthou kizilsahna hilou in mihingte hamkam siemna a kiphuotawm, thutah dan a pom, a phuotuten navahsah mai uh ahi hi.

Hinanlezhong, Pasian thutah i suhdanglam theilou uh khat khu, ‘Pasian a hing pan masah sihleh hagau a dingin bangma bawl thei a neisih’ chi khu ahi. Pasian tanchin ngaituo nanleh a theisiem theisih hi. Gingta ding hinanleh a gingta theisih. Eden ah khun Siemtu Pasian khu hing kipan masalouleh Adam leh a ji Evi in pan a la sih ding uhi. Pan la ding hinanleh Pasian toh a kizop theina dingun bawl thei bangma a neisih. Tam khu thutah ahi.

Tu tan chieng in zong Pasian a pan louleh mihing a dingin bawlthei mawng a umsih hi. Hinanleh, Pasian a hing pan nua in a hing hatna aw nemtah khu za theilou in, dawng theilou, gingta theilou, bangkim Pasian bawl sieng gingta ding khu Lai Siengthou kizilsahna ahilou mai banah Pasian thutah zong ahisih hi.

ii) Mihing lam apat ginna:

TMEF kizilsahna laigilpen khat khu, “Khelna a puasie, mihing in a gingta theisih a, mihing lam a i gintat theina zong Pasian in a pomsih” chi ahi.

Tam tungtengah khu Evan. Rualut in a laibuah hichin a giel hi, “TMEF kizilsahna khun mihing lama pawt ginna,

Pasian, Pasian pomtah ahi lou dan hilchienna dinga a zah mun mama uh tekahna khat khu, mihing kum bangzat ahiei chi gintatdan khu ahi. Aizawla Evan. Mang Hi-a toh ka kinie! hun un zong achil a mi thumte kungah kum bangzat ahi diei? chi a dong a, a gintat dan chiet uh agen chiet ua, hinnaleh koiman a dawng dih sih uhi. “Tamtah khu ahi, mihing lam a pawt ginna dihlou dan leh pomtah ahilouna khu” chiin a gen hi.

Nanleh, ke’n, “Na kum na gen masang a gintat dan gen na kidemsah khu dihlou zaw ahi. Pasianin eite ding a hundamna ahing siemsah khu ahing gen masang un i gal gin mai sih ua, na kum na hing gen zou a gingta leh gingtalou ka hi zaw uhi. Na mi dohte khu na doh masangin na kum dihtah hil masa inlen tua zou chiengin a ut uleh gingta va un a utlou uleh a gingta sih ding uhi chiin a tekah thu zah dan dihlou ka genta hi. Pasian khu a tanchin theichienloupi in gintat dan kidem mawh ding hilou in, Lai Siengthou in kichientaha a gen i theichien zou chienga utleh gintat a, utlouleh gintatlou ding ahi mai hi.

Sil hoi i bawl thei sunte, i felna leh nasatah a i pannate vang Hagau lam hundamna ding in a ching zousih chi khu Lai Siengthou kizilsahna ahia, hinanleh, gintat zong poimawlou leh pomtahlou bang a kizilsahna khu Pasian

thutah, Lai Siengthou kizilsahna ahi theisih hi. Eima kigintat a hundam vang ahisih a, tualeh i ginna un hundamna alei zousih. Hinanleh, Pasian lungsietna a silthawnpieh hundamna tang dingin mihing mawpuohna khu gintat ding ahia, mihing lam apat ahi ngeingei ding ahi. Tualeh, “Aman eite leh amaute khentuom neilou in, ginna ziehin a lungtange uh a siengthou sahta hi. Tuachi’n ipu-ipate hihen, eite hitalei, i puoh zoulou hahkol bang dinga nuazuite ngawnga baat a, Pasian ze-et sawm na hi uoi? Hinanleh amaute mabangin, eite zong Mangpa Jesu Khrist hepina zieh a hundam ding hiin, i kigingta uhi,” (Nas. 15:9-11) chi ahi.

Mihing apat a pawt ginna khu Pasian in a pomsih chia kizilsahna khu thum ngailou, kikhawm ngailou, silpieh pe ngailou, toumun hin dan, Leng innpite toh tekah ding ahi zaw hi~! Amaute gen tobang hitaleh, Vangam tunna leh gawtmun peina a mawpotu khu mihing hitheilou ding china ahi.

Pasian hatna, gin-umna gingtatute i hi ua, Ama khun i hatlounate uah maw a puo a, khovel gamdai peikan in “Van Kanan” khu a hing tut ding hi.

iii) **Pasian lam a pat pawt Ginna:**

Tam thupi, ‘Pasian lam a pat pawt ginna’ chi khu navahna chi in TMEF-te thu zah tam mama a hing pienkhiet dan khu mihing

lam a pat ginna khu Pasian in a pomlou leh bangmalou mai a a ngaituo ziehun lungsietna a silthawnpieh, hundamna leh ginna khu navahna apat tan ding in a ngaituo ua, tambang a navahloute khu ginna umzie theilou, hundamna zong tanglou in a ngaituo uhi.

Lai Siengthou a zah tam mama uh khenkhatte khu: Rom. 10:17-a, “Ginna khu theina zieh a um” chite; Ephesa 2:8 ‘Ginna zieha lungsietna a hundam’ ... Ginna ... Pasian silthawnpieh ahi chite Galatia 3:25, ‘Ginna a hing tun nua in chi leh Hebru 12:2 ‘Jesu i ginna siemtu’ chite khu a zang tangpi deu uhi. TMEF lamkaite tami tungtang a zilsahna uh a dihloou dan a dihlooua ziehpen khu Bible background theina a tahsap ziehuh hiin a kilang hi.

Rome 10:17 thu khu zil masa talei “Tuachin ginna khu theina ziehin ahing um zel hi” Tam khu TMEF kizilsahna khenkhatten mihing lam a pat ginna sangin Pasian lam a pat ginna a poimaw zawh dan leh khum ginna khu mihing lam in i vagintatna lam hilou in theina zieh a hing um ahi thu a gen uong mama mai uhi. Heb. 11:1 thu a ‘Ginna khu, lam-etna um ngei a theina, sil muloute genchienna ahi’ chi toh pangkhawm in mihing lam ginna paikhietna in a zang uhi.

Nanleh, a bawl khiel uleh thei khiel mama uh khu Rom a kigiel ‘Theina’ chi leh Hebrai a kigiel

‘Theina’ chi kilamdanna a theisih uhi. Mizo ham a Lai Siengthou kilet a kichien zoulou zieh a a thei khiel ahi zaw ding hi. Mizo ah khun, ‘Hriatna chi zah tuoh ahia, bangchi bang a theina e chi dohna um thei ding a bang hi. Nanleh sapham bang chet in letkhe ding hitalei Rom. 10:17 a khu ‘Bil a zahna (Hearing)’ ahia, Heb. 11:1 a vang ahileh ‘Lungsim lam a theina (Assurance)’ (New American Standard Version) ahia tekhin thei zong ahisih hi.

Tualeh, Rom a kigiel ‘zahna’ (hearing) khu ginna umsah tu ahi lai in, Hebrai a kigiel ‘theina’ (Assurance) vang ahileh ‘ginna siltup’ ahiei gasuo china ahi. Sing bang a tekah talei, Rom a kigiel zahna khu lei nuoi a zungah ahia, Hebru a kigiel ahileh khum sing hing gakhie bang ahi hi. A kibang hetsih hi.

Rom a kigiel ‘zahna’ (hearing) khu a zom a thu kigielpen in a kichiensah sem a, ‘zahna’ (hearing) khu Khrist thu zieh a hing um ahi china ahi. Khrist in Kross ah ei ding a sil a hing bawlsah thu khun i bil hing tung in tua bil a zahna khu Mizo Bible ah bil a zahna chilou in theina achi zieh a lungsung lam a theina, ‘navahna’ china dan a angaituo zel uh ahi. Hebru apen khu lungsung lam a theichienna khu ahia, Rom a pen ahileh bil a zahna zieha ‘navahna’ ahi.

Pasian silpieh hilou, mihing ginna zong Pasian in a pom thu

Lai Siengthou ah khun a um hi. Pasian lungsietna zieha Khrist in Kross a sinsan a a hing tastna ga, khel ngaidamna silthawnpieh khu Pasian in Khrist zang a a siem, ‘Ginna’ khu ahi. Tuanah mihing lam lemguotna leh sil hoi bawl zieh a ginna a tel sih a, za ah za (100%) Pasian apat a hing pawt ahia, hinanleh tua khu pieh ahi vang in nei ding ahiei, tang ding ahiei a dawnna khu ginna ahi.

Tua ginna khu mihing lungsung a hing pawt ginna ahi. Tua khu Pasian in a pom a hi. Rom. 10:8-17 tan a ginna a gente zong mihing lungsung apat hing pawt ginna ahi. Rom. 10:8-9 ah, “Hinanleh bang ahiei a gen? Thuin ahing nai hi, na kam leh na lungtang ah a um hi, tua khu ginna thu ka gen uh khu ahi. Jesu Mangpa ahi chi na kam a na phuon a, mishi lah a kipat Pasian in akaithou hi chi, na lungtanga na gintat leh hundamin na um

ding hi chia a gen zong mihing lam a gintatna ahi. Jakob 2:23 thu ah, ‘Abraham khun Pasian a gingta a, tua a gintatna khu dihtatna a sim ahi chi zong Abraham in a lungsung a mihing ginna ahi.

Ahivangin mihing lam apat ginna khun Pasian khu i galgin ahiei ahisih a, Pasian leh a thu a gin-um a, bil a i zah uh i gintat uh ahi. Thudang in gen talei, ‘I gintatna khu ging zoulou in Pasian leh a lungsietna silthawnpieh gin-um tah a i kingat theina khu ginna khu ahi. Tua khu Jesun, ‘Ginna in a hing damsah’ achi leng khu.

Gingta chi genchienna sapham Bible ah a kichien zaw a bang a, ‘Trust’ chi ahia, ‘kingatna’ china ahi. Pasain leh a thu a gin-umna a tawldamtah a i kingah theina khu ginna ahi. Tua khu Jesun, ‘Na ginna in a hing damsah hi’ ana chi leng hi. (*Aban sutzop ding*)

ZOU PRESBYTERIAN CHURCH SYNOD

May-June 2018 sung a sum sungteng

- | | | |
|--------------------|-------------------|----------------------|
| 1. Central Church | 11. Zoumun | 21. Buhsau |
| 2. Zomi Colony | 12. Mualtam | 22. Hiangmual |
| 3. Awnchinkap khuo | 13. V. Bethel | 23. T. Khajang |
| 4. Chingmang khuo | 14. Hiangdung | 24. M. Muangmun |
| 5. T. Tanguam | 15. Tuibuang | 25. Singngat |
| 6. Lailam Veng | 16. LDCC Hiangzou | 26. S. Vengnuam |
| 7. D. Phailian | 17. Zoumunnuam | 27. S. Muvanlai khuo |
| 8. Kanan Veng | 18. Daijang | 28. Hiangtam (K) |
| 9. Thingkangphai | 19. Imphal | 29. Zoukhonuam |
| 10. Tongdam | 20. Muallum | 30. P. Suahzahau |

31. Maokot	39. Zomi Zion	47. Moreh - II
32. Mawngken	40. L. Gangpimual	48. Bangaluru
33. Tuimanjang	41. T. Munnuam	49. Chennai
34. Behiangjang	42. Teisaljang	50. Mangjing
35. Behiangtung	43. Sugnu	51. Paspati
36. Hiangtamjang	44. T. Zion	52. Belpuon
37. Tuining	45. Moreh - I	
38. PN. Khovong	46. Delhi	

ZPWF COLUMN

25th May to 22nd June 2018 sung a Tunnu Limbel panpina pete:

1. Pu H. Kapneithang & Family, Central Church - Rs.	3,000
2. PWF Zoumunnuam Anntang Kg. 30 & ----- Rs.	30
3. Tv. Khamlunthang, Zomi Colony ----- Rs.	2,100
4. Nu Vunggouniang, T. Talnuam ----- Rs.	100
5. Nu Nianglianaching, Central Church ----- Rs.	500
6. Pa Albert & Family, Central Church ----- Rs.	2,000
7. Nh. Esther Neiching, Central Church ----- Rs.	200
8. Pa Kamkhogin, Central Church ----- Rs.	200
9. PWF Manniang khuo Anntang kg. 45 & ----- Rs.	120
10. Nu Dimneiching, Central Church ----- Rs.	1,000
11. Nu Nousuanaching, Central Church ----- Rs.	500
12. Muankim, Central Church ----- Rs.	500
13. PWF Lailamveng Anntang Kg. 94 & ----- Rs.	560
14. Mr. & Mrs. Vanlalruat, Delhi ----- Rs.	2,000
15. Jacob Suankhanlian, Lailamveng ----- Rs.	500
16. PWF Mangjing ----- Rs.	1,000
17. Pi Niangpi w/o Hausuanthang MDC, Zomi Colony Rs.	1,000
18. Nh. Lhingcha, Tuilaphai ----- Rs.	500
19. Upa Pumsei, Tuilaphai ----- Rs.	200
20. Tualkhothang, D.Phailian ----- Rs.	150

21. Nu Mannianching, Lailamveng -----	Rs.	500
22. PWF Tuibuang Anntang -----	Kg.	110
23. PWF Thingkangphai Anntang -----	Kg.	50
24. PWF D. Phailian Anntang -----	Kg.	42
25. PWF Gangpimual Anntang -----	Kg.	55
26. PWF Hiangtam “V” Anntang -----	Kg.	27

27. LCC Mualluom-Tunnu Limbel Panpina for May & June, 2018:

1. Nu Zouching -----	Rs.	120
2. Nu Boivung -----	Rs.	10
3. Nu Nianghauching -----	Rs.	20
4. Nu Nemneivung -----	Rs.	50
5. Nu Vungsuanching -----	Rs.	20
6. Nu Dimhoiching -----	Rs.	20
7. Nu Niangngaiching -----	Rs.	20
8. Nu Vah -----	Rs.	40
9. Nu Nuamkhanngai -----	Rs.	10
10. Nu Manhat -----	Rs.	40
11. Nu Chinghat -----	Rs.	110
12. Nu Chinlamching -----	Rs.	20
13. Nu Hahat -----	Rs.	10
14. Nu Vungnuamching -----	Rs.	30
15. Nu Kimneiching -----	Rs.	50
16. Nu Ngaiching -----	Rs.	50
17. Nu Nuamneu -----	Rs.	50
18. Nu Vungtum -----	Rs.	20
19. Nu Laangngai -----	Rs.	10
20. Upanu Vialvung -----	Rs.	30
21. Nu Vunghaulian -----	Rs.	400
22. Nu Vungzaniang-----	Rs.	20
23. Pi Dimkchannel -----	Rs.	40
24. Nu Vungzanem -----	Rs.	20
25. Sye David Kap -----	Rs.	120
26. Sye Goukhenmung -----	Rs.	20

27. Pa Thongkai -----	Rs.	5
28. Pa Thangkhausuan -----	Rs.	220
29. Pa Suanpau -----	Rs.	70
30. Pa Thangkhanlam -----	Rs.	20
31. Pa Tongminthang -----	Rs.	40
32. Pa Elbee Zou -----	Rs.	40
33. Pa Khaihau -----	Rs.	10
34. Pa Ginneihau -----	Rs.	50
35. Pa P. David -----	Rs.	120
36. Pa Thangkhanlal -----	Rs.	50
37. Pa Nehkhangtong -----	Rs.	50
38. Pa Kapmeng -----	Rs.	10
39. Upa Zamthang -----	Rs.	40
40. Upa Chinlam -----	Rs.	10
41. Upa Lunmang & Family -----	Rs.	300
42. Upa Chingenpau -----	Rs.	50
43. Tv. Min Zou -----	Rs.	20
44. Tv. Mangboi -----	Rs.	330
45. Tv. Lunthang -----	Rs.	60
46. Tv. Hangmuonlien -----	Rs.	20
47. Tv. Suonmuon -----	Rs.	50
48. Tv. Dodong -----	Rs.	45
49. Nh. Chingneisiem -----	Rs.	20
50. Tv. Thangkhanmuon -----	Rs.	60
51. Rev. Dr. Hangpi Manlun -----	Rs.	100
52. Tv. Thangkhangsiem -----	Rs.	300

SUHDIHNA

1. June issue a Tunnu Limbel panpina Pa Kamkhogin, Central Church in a pieh Rs. 100 kichipen Rs. 200 ding hizaw.

***Petu zousie Mangpa'n hing guolzawl zing taken.
Adihloute Office a suhdih theizing ahi.***

.....

PATRON MEMBER-TE

1. Upa Gouzamang	2. Pu Hav. Khamchinkhup	3. Pu Khamzalam	4. Pu Chinzasuan
5. (L) Upa Liansuanpau	6. Pu Khamchinthang	7. Pu S.Dalthang	8. Upa Kapkhanthang
9. Upa Langginmang	10. Upa S. Nangkhanlal	11. Pu S. Lamkthoang	12. Upa Dr. M. Lachinkhai
13. Upa Khamchinjam	14. (L) Upa D.K.Manlun	15. Upa Suankhanmang	16. (L) Upa Khupgou
17. Upa Chinkham	18. Upa Ngulchinkham	19. (L) Rev. V. Vungzalian	20. Rev. Retd. Kamkhosoi
21. Rev. Retd. Tualzachin	22. Rev. (Rtd.) H. Nengzatun	23. Rev. Awnkhankhup	24. Rev. Dr. Hangpi Manlun Zou
25. (L) Pu Tuanzapau	26. (L) Rev. Ginchinjam	27. (L) Rev. Khamzasuan	28. Upa T. Lamkthohawng
29. Upa Khaichinmang	30. Rev. Stephen Chinzathang	31. Pu Khupkhanmang	32. Pu Khaidohlian
33. (L) Hav. Khamzahang	34. Pi Vungzanuam	35. Pu T. Gouzadou	36. Upa Liensuonkap
37. Pi Zelkhochiin	38. Pi Hatkhanvung	39. (L) Pi Ngaihoiching	40. Pi Mankhannieng
41. Pu Goukhanmang	42. Pi Chingzalam	43. Pu S. Thianzakhai	44. Pi Kamkhanching
45. Pu Haukhanpau	46. Pu Tuallianmang	47. (L) Pu Dongkap	48. (L) Pi Chingkhanmang
49. Pi Donkhonian	50. Upa Henzakhup	51. (L) Pu Saichinpau	52. Pu Goumang
53. (L) Upa Khamkhanhang	54. Shie Laangkhanlal	55. Pu Khamkhanlun	56. Upa L. Tualkhanpau
57. Upa Jamsianmung	58. Upa Ginzadong	59. Pu Kaizathang	60. Pi Goizanuom
61. Pi Thangneivah	62. Pu Khamzathang	63. Pi Donchin	64. Upa Liankhanmang
65. Pu Hauchinlun	66. Pu T. S. Lal	67. Pi Goichiin	68. Pu T. Khupchinthang
69. Upa T. Kaizalam	70. Pu Paul Henkholal	71. (L) Pu Soikham	72. Rev. P.C. Manga
73. Rev. Khamchinkhai	74. Rev. Jamlianpau	75. Rev. Chinzapau	76. Rev. Retd. Kamkhozam
77. Upa (L) Chinpu	78. Pu Zamkhanthang	79. Pu Chinglen	80. Miss Chinhaunieng
81. Upa P. K. Soia	82. Pu Goukhai	83. Pi Niangkhanmang	84. Evan. Retd. G.L. Joshya
85. Pi S. Chingkhanmang	86. (L) Pu Vumchinkhup	87. Upa Khaihenthang	88. Upa T. C. Pau
89. Upa Nengchinkap	90. (L) Upa Jamkhongam	91. Upa HT Manga	92. Mrs. Vahkhohling
93. Pu Hauliankap	94. Pi Chinnu	95. (L) Upa Ngulzakhai	96. (L) Upa T. Gougin
97. Pu Ginsuanhau	98. Upa (L) Langminthang	99. (L) Rev. David K.Samte	100. Upa T.S.K. Samte
101. Upa S.K. Khama	102. Pu Jamkhopao	103. Pu Thathang Taihul	104. Pu Kamkhankap
105. Bhim Prasad Ghatani	106. Rev. M. Kapsuanthang	107. Nu Chingneikim	108. Rev. Khupkhansuan
109. Pi Mannuamching	110. Rev. Kaimuanlal	111. Upa Nengkhanlian	112. Nh. Deborah Zou
113. Pu T. Kuppa	114. Rev. (L) Mangsuanthang	115. (L) Pu Lamchinhou	116. Upa Pauchinlel
117. Nu Kimneihei	118. Upa Kamgenpau	119. Nh. Niangsuannuam	120. Nu Ngaikhanvung
121. Pu P. Sanjiv Zou	122. Upa M. Kaichinkham	123. Upa T. Sianchinpau	124. Upa Sianzahau
125. Pu L. Thenkhosoi	126. Pu Kamsuanhang	127. Upa Th. Kaikholam	128. Upa Lunchinthang
129. Pu P. Tongthang Zou	130. H. Nehzamang	131. Pu Thangsuankhup	132. Upa M. Kamzadou
133. Pu Jamkholian Munluo	134. Pu Sianzakhai	135. Upa Thangginsuan	

LIFE MEMBER-TE

01. Upa (L) T. Khupkenpau	02. (L) Pu M. Ginzahau	03. (L) Pu Selzapau
04. Pu L.C. Pautungnung	05. (L) Pi Khamkhannieng	06. Pi Ngainuom
07. Pu Chinsuanthang	08. Upa Shanti Kumar	09. Pu Kamkhohau
10. (L) Pu Khamkhohau	11. Upa Khamzathang	12. Upa Chinkhanthang
13. Pu Tongzathang	14. Pi Chiinneilam	15. Upa Kulthang
16. H/Sm. Upa Kaichinpau	17. Pi Niangzalam	18. Upa P. Doukholun

Undelivered

Please return to:

The Editor

KHRIŦIAN TANGKOU

ZPCS Office, Zomi Colony

Churachandpur - 795 128

P.O. Box - 48, Manipur, India

Synod Office Telephone No. (03874) 235105

Website: zousynod.org | email: info@zousynod.org

zpcs@rediffmail.com/zousynod05@gmail.com

7a,
